

საქართველოს ეკონომიკისა და მდგრადი განვითარების მინისტრის

ბრძანება №1-1/35
2023 წლის 7 თებერვალი

ქ. თბილისი

„პირისთვის სასწავლო ცენტრის სტატუსის მინიჭების, მისი ფუნქციონირებისა და გაუქმების წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2022 წლის 5 ოქტომბრის №1-1/426 ბრძანებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ვბრძანებ:

მუხლი 1

„პირისთვის სასწავლო ცენტრის სტატუსის მინიჭების, მისი ფუნქციონირებისა და გაუქმების წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2022 წლის 5 ოქტომბრის №1-1/426 ბრძანებით (სსმ, ვებგვერდი, 06/10/2022, 310060000.22.024.016766) დამტკიცებულ „პირისთვის სასწავლო ცენტრის სტატუსის მინიჭების, მისი ფუნქციონირებისა და გაუქმების წესში“ შეტანილ იქნეს ცვლილება და წესის:

1. მე-4 მუხლის:

ა) პირველ პუნქტს დაემატოს შემდეგი შინაარსის „თ“ ქვეპუნქტი:

„თ) IRU-ს აკრედიტაცია შესაბამის სფეროში.“;

ბ) მე-3 პუნქტის შემდეგ დაემატოს შემდეგი შინაარსის 3¹ პუნქტი:

„3¹. ამ მუხლის პირველი პუნქტის „თ“ ქვეპუნქტი ვრცელდება მხოლოდ მძღოლის პროფესიული კომპეტენციის სწავლების (სრული, შემოკლებული და პერიოდული გადამზადების კურსი) და ტრანსპორტის მენეჯერის პროფესიული კომპეტენციის სწავლების მიმართულებაზე სტატუსის მქონე სასწავლო ცენტრზე და ამავე სტატუსების მიღების მსურველ დაინტერესებულ პირებზე.“.

2. მე-5 მუხლის მე-3 პუნქტის „ბ“ ქვეპუნქტი ჩამოყალიბდეს შემდეგი რედაქციით:

„ბ) აქვს საავტომობილო ტრანსპორტის სფეროში საქმიანობის არანაკლებ 3-წლიანი გამოცდილება ამ წესის მე-6 მუხლით გათვალისწინებულ იმ მიმართულებებზე, რომლის სწავლებასაც ახორციელებს/განახორციელებს ან მისი ცოდნა დასტურდება IRU-ს ან IRU-ს მიერ კვალიფიცირებული პირის მიერ გაცემული შესაბამისი დოკუმენტით;“.

3. მე-6 მუხლის:

ა) მე-3 პუნქტს დაემატოს შემდეგი შინაარსის „კ“ ქვეპუნქტი:

„კ) IRU-ს შესაბამისი აკრედიტაციის დამადასტურებელ დოკუმენტს.“;

ბ) მე-4 პუნქტის შემდეგ დაემატოს შემდეგი შინაარსის 4¹ პუნქტი:

„4¹. ამ მუხლის მე-3 პუნქტის „კ“ ქვეპუნქტი ვრცელდება მხოლოდ მძღოლის პროფესიული კომპეტენციის სწავლების (სრული, შემოკლებული და პერიოდული გადამზადების კურსი) და ტრანსპორტის მენეჯერის პროფესიული კომპეტენციის სწავლების მიმართულებაზე სტატუსების მიღების მსურველ დაინტერესებულ პირებზე.“.

მუხლი 2

ეს ბრძანება ამოქმედდეს გამოქვეყნებისთანავე.



